



Regius

Pauli Ant. Corona fontis beneficii.

PANEG. et VITAE
Polon. Fol.
№ 1361.

C
T

VI
PE

S

C

ad
Pr

&

in
Lu

C O R O N A

F O N T I S B E N E F I C I

C O R O N A M E N T O

V I R T U T U M M E R I T O R U M E T S A P I E N T I Æ
P E R I L L V S T R I S & R E V E R E N D I S S I M I D O M I N ID. R E M I G I I
S V S Z Y C K I

Juris Utriusq; Doctoris,

A R C H I D I A C O N I

Cathedralis Cracoviensis, Scholastici
Lancicensis, Custodis Kielcensis &c.

S, R. M. Secretarij.

ad primum HONORIS ARCHIDIACONALIS aditū
Principe in Urbe ac in Coronato Vavello

S V P E R P O S I T A

& inter festivos gestientis Cathedræ Cracoviensis plausus
testificandæ gratitudinis & Honoris Causâ
officiosissimâ Venerationis pennâ

M. PAVLO ANTONIO CYBVLSKI

*in Alma Universitate Cracoviensi Philosophiæ Doctore, ac interea in
Lubransciano Academia Posnaniensis Collegio Grammatices Professore
Luci publicæ*

P R Æ S E N T A T A

Anno Coronati in Carne Verbi 1703. die 2. Junij.

Typis Academiae Posnaniensis.

p.p.

IN STEMMA
PERILLVSTRIS & REVERENDISSIMI
DOMINI



Trina coronato concessa, corona Vavello
Sufficeret meritum, cingere prona Caput!
Sed si permittes frontem sub jura quaternæ
Nectet munificæ, conscia dextra manûs.
Flos alius non concedet, nisi Lilia florem
Lilia, quæ Ceris Chloris amica fovet.





CORONA FONTIS BENEFICI

NOva accessio Honoris, quam pridem magnæ merebantur virtutes, toti pervulgata Poloniæ, propius Arctois Syderibus; admotum Tuorum Beneficiorum stipendiarium, admonuit, ut se ampliorem erigat in spem, Te in Regali Vavello maiorem adoraturus *PERILLVSTRIS & REVERENDISSIME DOMINE ARCHIDIACONE* Pridem ea Cælis admovi vota quæ Te Honorum culmine Cælis admoverent, & Tuis Meritis paribûs substratis Fastigiis, Te cum ostentarent Orbi, qualem consensus omnium volebat. Et meherculè sic propitia Votis affulsere, ut felicitatem meam non capiam, & me ipsum circumspectem, penè elinguem ad jura gratulationis; qui ad superos facundus evincebam Te Curulibus. Non fatiganda equidem erant pertinaciter Superum pulvinaria, Cui tam benigna fuerant: ut nostra vota, communia desideria,
omni-

omnium consensus præuenterent. Frustra Nostris se
oppugnari irridebant precibus, quæ, absq; anxia ho-
minum de Te existimatione, ipsa Tuis amica me-
ritis, in Tuas Virtutes propendebant, quibus præ-
meditata Fastigia, rebûs Commodis, substernerent.
His auspiciûs, illo in Culmine Regum, certior jam
fulges Cynosura, & post damnata Præsulum in um-
bras lumina, Tu dispergis radios, ut appellentes sa-
cratori portorio modereris. Quid? si hæc virtu-
tum dignatio, pridem Oculi quæ derivavit metapho-
ram, nunc totius luminis indueretur Majestate: cer-
tè nunquam meritorum excederet mensuram, sed
consona illorum magnitudini talem Te demonstra-
ret, qualem videri oporteret, At quia in hac lumi-
num exuberantia, adhuc luci impar pupilla prorsus
cæcutiret, aliò inflexit mentem, direxit gratitudi-
nem, totumq; conantis ingenij molimen traduxit.
Pulchrum equidem in lumine versari, Icarium ta-
men est, ne surgentis animi pennæ calentiore cir-
cumfusæ luce, totò mergantur Oceanò, & sæculis
cladis suæ ignominiosa relinquant nomina. Extin-
guam fontibus lucem, ut tamen ambitiosi superful-
geant, Coronis erigam. In his commodius navigabit
gratitudo, & illam influet in mentem, quæ arbitra
non morituræ liberalitatis, obæratam inscripsit po-
steritati. Romanum est: bene mereri de fontibus
beneficis, erigere circumjacentem cespitem Coro-
nis, & undis strepentibus Coronarias imponere ha-
benas. Invenit gratitudo in illa æterna Urbe, Fe-
sta, omnibûsq; virtutibûs eminens, Coronata habeba-
tur. Inter Lupercalia, Saturnalia, & sexcenta supersti-
tiosorum sacrorum Nomina, Fontinalia erant: in
his lata inventus, effusa plebs, Virginum dimissa,
mode-

modestia, accurrens plaudendo, fontibus ferta, Coronas superponebat. Illam sicim extinctam undis gratitudine redimebat, illa urentis solis tædia Fontium auxiliô lenita, floribûs compensabat. sequor Romanorum morem, & licet gratulationi obstrepam gratitudine, commodius illam non potui inducere, quam inter hos sacri Honoris plausus. Alius aliô Titulô in Vavellum pergentia comitabitur merita, illa pulchra Encomij fronte attollens, eis induet eam faciem, quam ventura mirabitur posteritas. Ego siccam tenuitatem meam fontibûs rigabo, ut tamen Coronamento meritorum inferam obligatus æs meum, Coronas impositurus necet. Hic mihi exorandus es, ut pauperem suadæ meæ censum admittas in ditissimi æraria ingenij. Si Corona apta non censebitur Capiti, saltem Oculo dignare. Rudem laborem, nec exquisitam industriam, Coronarium opus hoc habet, fateor: Te tamen ipsa vis summæ eloquentiæ obstringit adstrepenti tenuitati parcere, triumphabo alibi, si Tu obeliscos statues.

Aliter merita redimi non poterant, Antiquitatis ut observavit non iniqua virtuti fors, nisi rotundô Coronarum munere, aptâ scilicet omnium, quæ ad plausum hominum agebantur, comprehensione. Ad hoc centrû omne respiciebat aptum virtuti, cogitatio, cura, exercitamenta, strenui doctiq; laboris, huius ambitus capta illiciô, omne arduum superare, difficile enodare, curabant. modo post defuncti laboris supremas vices desideratus apex caput erigeret. Quid non ausa est mortalitas? huius præmij allecta superbâ æstimatione, quos illa non elusit gladios? quæ non vicit pericula! cum omnibus

ferè elementis depugnabat. his periculis superstes
tantum supra populi capita cornutò vertice emine-
ret. Cum tanta agerent homines cupidi coronari,
post adorata Imperatorum Regumq; diademata, o-
mnia, quæ ad augendam Rempublicam militiamq;
spectabant, coronis industria regnatrici adornavit,
rem strenuè modo agerent, quibus vis fortior eam
impressit mentem, quæ deprimi difficilis anhela
tumescere. Quamcunq; itaq; verteres Te olim in
partem coronis instabas, ferris imminebas. Mare, ter-
ra, ubiq; periculorum strues, coronarum fecundissi-
ma, ibi Rostrales, hîc Gramineæ, nec satis addi-
dita Civica, ostensa muralis, data vallaris, præfixa
triumphalis. Boni superi! quibûs stimulis virtutes
agebantur, ne hebesceret acies fortitudinis, tot pro-
posita, ob oculos versabantur præmia, puderet
usq; ingenuum gloriosa non agere! Erant; qui ad
commendationem tumentis, Cerarum Paternarum
imaginibus, atrij, numerosas cum Manlio Murales
Civicaq; producebant coronas. Ibant Valerij Deci-
j; aureâ superbi, & oculis, Romanæ Indolis lumine
virtuti concessô iritatis, in similes gloriæ labores a-
nimum accendebant. Sic gestorum omnium co-
ronis, in antiqua memoria corona. Transijt à mili-
taribus præmijs cum alia translatione ad Musas, eti-
am coronarum desiderium: hinc doctæ frontium hæ-
deræ, Doctorum inumbrant Capita; ut literarij la-
boris, amica hæc arbor, & intacta fulminibus exsic-
cet calidos sudores, appensaq; index sit approba-
tæ scientiæ. Multa antiquæ gloriæ simulacra in co-
ronis produxi, virosq; pro Coronis strenuè agentes
aliqua in parte ostendi, non tamen ea antiquitatem
teneat ambitio, ut sola coronata, spernat posterita-
tis

tis sortem. Quanquam emarcuere jam Gramineæ,
fractæ Rostratæ, Murales ruderibus cōminutæ, cum
Roma simul rerū ostentatrice harum, corruere. Non
inopiā meritorum, sed quia fragilem hanc glori-
am, nec die, victuram Antiquitati reliquimus
propriam, nunc solide agere, stipendia mereri
in castris virtutum eximium; coronis non augeri,
serta non querere, majus in nostra ætate est: quàm
accipere. Novit virile ferreumq; sæculum istud, ma-
jora illis gerere sæculis, attolli tamen non cupit,
quod major nunc sit plausus, triumphos despicere.
Si non sic neglectæ haberentur apud nos virtutes
disceres imminens posteritas (lege tamen forsitan
cum socordiae nostræ reprehensione) plures nos ha-
buisse Fabios quàm Cæsares avidos triumphorum.
Irent alij Civis, alij gramineis, alij triumphalibus
sublimes, & quorum procul à vulneribus pectora
Musarum laureis onusti, Tuam admirationem penè
obruerent. Inter hæc sæcula gloriam despicientia u-
num Caput plenum Coronis, in lucem posteritatis
eveham, sic gratitudo, sic merita decrevere.

Et ne avidam sciendi cum oculo mentem susten-
tem. Tu Sidus meum, Tu Præsidium! Magne virtu-
tum adminiculò, doctrinæ sublimitate, scriptorum
gloriâ ARCHIDIAcone vicisti Antiquorum tem-
porum admissam fidem, obligasti posterorum. Cum
leget monumenta Tua orbis, quibus Tu ô rarā
virtutem! subtraxisti Nomen, jam Te laureā, cum
legationis Munera, jam Civicas, cum omnium affe-
ctus Tibi devictos, jam triumphales emeruisse decer-
net, Planius ut discat, res mihi est, longiùs ea agen-
di, quæ Tu non uni sæculo sciēda destinasti. A capite
ad calcem decurrat jam Oratio ubiq; Te corona-
turum

turum adoratura.

Jam Te Superi in primo exoriētis, flore ætatis, coronæ admovebant, cum Reginam scientiæ Polonæ, Magistram haberes, Regum Nobilitatam insignibûs, in Cuius sinu crescunt laureæ dignis destinandæ verticibus. Alebas spem, erigebasq; cum studio animum, totoq; nisu conatu & sudoribûs laurum fertumq; anhelabas. Illas noctes vigilî superatas pupillâ, testor Hesperum, auroramq; eodem superciliô visam. Legendo consumptæ noctes, discendo prostrata incommoda, excerpando elusa sidera, non somnus, non iners otium fallebat ætatem, per augmenta studiorum, per gradus scientiarum terebatur deducebaturq; juvenus. Quæquæ involuta difficultas, ut offendit animum, illi immorari, illam utramq; versare in partem, perspicere, indagare, ortus, processus, & affinitates, ac tandem patente mæserere, implexam evolvere, magnæ Indoli consuetum fuerat. Arduus sanè commento Pœtætarum & multorum experimento tendentium, Parnassus ille ita detumuit Tibi, ut planitiem videreris terere non culmina. Intricati inconstantesq; fluctus Eurippi, jucundè Tuam fluxêre in mentem, omne profundû investigatum, omne altum superatum, intra Te erat, quidquid hæc æstuans rixis scientia comprehendit. Per hæc rerum difficillima, nasti ad fortunatas Laurearum insulas, totis Evrippô Hipocreneq; rigasti frontem pulchrius laurea effloresceret. Alijs sufficeret puteum fodere, & primis labrîs libare fontem, Tibi ad magna destinato, toto per lui, omni immergi, fundum tenere, gloriosum optimumq; videbatur. Objecerit superciliosus Cato Fulvio, parcis laboribus militum addicere laureas?

Tuos

Tuos si strenuos morosū illud superciliū videret sudores, totā denudaret arborem, Te dignè laureatū Orbi ostendisset. Quam felicitatē sibi relictam gratulatur Regia Universitas, illa Te laurō investijt, illa Doctorem dixit. Non suppressit honorariō virtutis frenō, majora animi molimina, illa umbra doctæ hederæ, accendit ingenium sublimium cogitationum facibūs. Certè non tetigit otij fulmen Te, eliminatum vī sacre arboris, summis laboribus reliquit locum in Te. Tota sæculorum lustrata fides: misisti in Romanam originem oculos, in Græcorum gesta, in Orbis Historiam, anni, viri, Herodēs. Imperiorum Regnorumq; vices, in oculis, in ore, ceu superstites vivunt. Omnia ferè præterita venturaq; sæcula vitā comprehendisti, illis interes legendo, his intereris legendus. Vivet obsidio Visnicensis Sande-censisq; & post obsidionales coronas, annorum complectetur. Ex Te discet posteritas Polonorum constantiam, illud stratagemma ingeniosius Troianō elusum hostem Equō, eliminatum arce, vinctū comprehensumq;. Fidem superum! quàm res adæquatæ verbis? quam sui etiam inerrant dictioni doli? Quidquid ibi scriptum, plenum succō, sanguine vividum, nervis colligatum gestit animus prædicere: canescet seclis innumerabilibūs. Vicina Historiæ & ferè germana Politicorum prudentia, ex insidijs in Campum Electoralem, abs Te nuper producta, etsi obvoluta facie prodijt, famâ tamen acceptum est, Minervam hanc Te Iove progenitam. Qui plausus accepit scriptum illud, quæ acclamationes comprobavêre? in Te versi omnium oculi, Tibi obnitenti & latenti addicta fama, & licet non legebatur superbe appensum fronti Nomen, Tu ta-

men Auctor Parentisq; dicebaris. His geminis scienti-
is adstant libri carminum patrio idiomate effusi, no-
biliori popularium Poëtarum choro Te inserunt.
Ibis Castior Kochanovijs, quietior Twardovijs, Coe-
taneo major Kochovio. Injucundos eliminaſti ſa-
les, lituos eiecisti. Cælum, omneq; ſacratius, metrò
colligaſti: dignus pro tam pio Poëmatum genere, i-
pſo ſacratioris Minervæ geſtari pectore. Spectarēt
Te abutentium Entheò Poëtarum animi, propior
eſſet Cælo Parnassus: uno eminens culmine, u-
troq; cælos tangeret, verèq; dici poſſet mons ille
Parthenius ſi virginei Poëtæ (qualis Tu in ſecunda
parte apparuiſti) ſui montis juga aſcenderent. Unū
forſitan poſteritas accuſabit: quod quærere indaga-
req; Auctoris nomen debebit. Libera enim nec ad-
ſcriptitia Domino monumenta, oculos lucemq; in-
vasere. Legent poſteri, ferentq; ad ſidera feliciffi-
mi ingenij partus, infelices tamen ſibi videbuntur;
quod fruſtrati Auctore, huius ſæculi clara Nomina
computantes, diſceptabunt de nomine. Sed quid e-
go queror ſupreſſa in fronte Nomina! clarum erit
Te Parentem Tuorum ſcriptorum. Curent alij ſol-
licitè poſteritatem, religioſeq; ſe fateantur Aucto-
res: Tibi à ſuppreſſo Nomine major gloria. Quam
modestia ſibi detraxit famam, illam reluctanti non
intermoritura appendet gloria, non ſine laudum ad-
ditamento. Mille laureas ferte Gratia, Herculei in
arena Minervæ labores, docti ſudores, hiſ debent
redimi coronis. Orbe Polono cohibere Tuam ſci-
entiam nolebas (quanquam prævertit Te abeun-
tem) Italiam, nidum ſcientiarum, Romam, thea-
trum ſtupendorum adiſti. Quem Tu ruborem in-
cuſiſti extraneo Soli, conſtantiâ, quam admirationē

exte.

extera sapientiæ, scientiâ, patet ad stuporem Poloniz, cum elogijs comitatus Patrios lares revisisti. Ne Te absq; decoris munere dimitteret illarum Pallas Gentium, coronatô laureis vertice, Doctorem Divæ Astreæ dixit. Nihil justius rectiusq; Roma dare Tibi poterat, quam lancem: ut & meritorum Tuorum pondera, & illius præmium ad stateram exigeres. Fovebit illa inscriptum Tuum nomen, suæ felicitatis argumentum habitura, Te felicissimô. Exercuisti concessum Tibi ab illa munus, toties suffectus Tribunali Judex, quoties apprehendisti fasces illos, toties ab ipsa laudatus Iustitia, elatus sub sidera, ab afflictis, regrediebaris, Meliores Tibi volebant dies, indictis sibi; Te tutelare rerum suarum Numen, Te propitiæ inter turbines Iuris, fortunæ, authorem appellabant. Iure hîc Civicas accipere non dedignabaris Coronas, pro servatis Civibus, pro facta, tecta q; afflictorum fortuna.

Si in Civicis nulla placentiâ est, Regales addam. Nuper Regnantis Polo nostro, Jovis, complexus affectu, omnem in Te vertisti admirationem populi, aulæ suspicientis decora virosq; Tu unus electus in Regno hoc, cui Divûm sanguis erudiendus, magnô omnium, plausu commissus, Te adeo gentibus venerabilem ostendit, ut à Tua manu, disciplinaq; Reges expectarent. Licet invidia expectanti desiderio nubem imposuerit, ex Te omnia capiuntur, quanti illi futuri sunt, quos Tu non privatæ, sed Regali crudiebas fortunæ. Illud Poematium geminis inscriptum Sideribus, repetere revolvendum, magnô omine illustre, Tuam adhuc expectationem aliorumq; sustentare non vanè poterit. Promittis Paterna decora, iisdem tamen fatis, per quæ PA-

TER supra homines apparuit. Servet Te illa fortuna superstitem, apud quam asservatur ornata attollentia mortales, ibis sublimior, Tuam felicitatem, Tua omina, Teq; ipsum non capiens. Quam felicitatem Chiron in Achille, quas victorias in Alexandro Aristoteles, est cum sui admiratus amore, hæc Tu omina Tuis poteris videre tenereq; in Sideribus. Hæc Tibi Regalem possent componere coronam, quam Tu desiderio votoq; nectens etiam à gratitudine recusas imponendam. Sufficiet JOANNIS III. Regis, supra memoriam hominum, circumdari amore, attoli judiciò, & illi placuisse: ad cuius supercilium Astra risere, victoriæ steterunt, triumphum erubescere. Hæc Tu Regalis iudicii sublatus felicitate, omnem ferè superasti: infra Te est, quidquid ab alijs in Te effusum collatumq;. Quod enim eminentius Reges tolluntur, eo amplius & sublimius de alijs, ab illa specula, judicant. Post magni Regis effusè in Te promanantem amorem, sublimes à Primatiali sede vertisti in Te oculos: ut nullum penè fuerit in Polonia Culmen, in quo Tuus amor, fama, eruditio, non nidificaret. Genius ille Tuus supra populum ire natus, fastigiis imminere, sublimibus gaudere, solenne habet. Non crevit Tibi fama in ore populi, sed Magnatum: & nemo Tui gloriam Orbi prædicavit, nisi adorata à fama Orbeq; Nomina. Messuere Olszanoviæ Falces sibi in Coronam LILIA Tuâ, cum Tu cothurnatâ loquendi structurâ, illam æternam adornares laudem, quæ Magni Principis æstimata judiciò, totam Poloniam in Tui excitavit admirationem: ut omnes Curules Te suum Plinium cuperent. Pretium Zalusciæ velleris Jasoni desiderabilis, in Tui admirationem propèdens, qua

qua illustrari cuperet Plinius, attolli Pacatus, eam.
Nomini Tuo accendit gloriam. Verum nemo justius rariusq; Te admiratus est, quam illud Astreae Decus exemplorum, Vir Markiewicz, Canonicus Cracoviensis: illò judiciò, quò Orbis admirationem tenuit, Te adscivit in sui affectus penetralia, illa sapientiâ, qua Romana Subsellia implevit, Te in summam gloriam crescentem complexus est. Prævidit nempe Juris ille verendus arbiter Tuæ famæ radios, quibûs in Te post fata relucere contendit avidissimus. Et nondum ne post tot Magnorum Præsulû, Virorumq; triumphatos affectus, triumphales accipies coronas?

Morantem me in decoribus meritisq; Tuis, avidissimè ad se trahunt honores. Et ut publicam felicitatem non sileam, Te inter decora adscitum Nobilitatis omnis sibi gratulabatur Polonia. Tuo LILIO aucta stemmata amœniùs risere, & Campus Poloniæ se se circumspiciens totum se in Tui Floris cõtemplationem impendit. Loquentur feri Annales, æternæ Legum nostrarum tabulæ, Tuas virtutes coronatas stemmatum Majestate, esseq; literas curæ Poloniæ, post Władysławovios, Crómeros, ex Te colliget futurorum curiositas, vel potius admiratio. Impendisti pro publica circa Te ornandum Patriæ sollicitudine vitam ferè; ad Moschorum Principem LEGATUS. Jovis illius severa supercilia, humanitatis Tuæ intuitu, adeo serenasti, ut rigorem illum arcticum exueret. Magis ille in Tui admiratione, quam sui Cæli faviente hyeme obriguit, Teq; intuitus, Magni Regis Majestatem, Reipublicæ libertatem mirabatur. Gavisa est Patria Legato. Omnia enim quæ injuncta habebas, sic gloriosè perfecisti,

D

ut

ut ad normam exemplarq; Tuæ Legationis aliorum
exactura sit. Publica hæc, sed cum tempore abeun-
tia, si munus spectes, si merita, æterna, alij honorum
excepere fasces. Omnium Te Honorum avidè ex-
pectabant Curules, aut ultroneos aliorum aditus li-
mine Tuo arcebas, alios qui modestiæ videbantur
capessendi, prehendisti. Pater esse volebas Patre Pa-
triæ decernente, illud Pedum Tiaramq; multis su-
doribus alijs emptâ, ipsius Honoris indignatione re-
cusasti; invenit in Te ambitiosum sæculum, raram,
& superiori ætate tantum amatam virtutem. Plures
modestia Tua, in se vertit oculos abjecto Honore:
quam vertisset suscepto. Infra pedes Fastigium hoc
positum, Vavello Te desiderabilem ostendit, per cal-
cata culmina, ascendisti montem Regium, postq;
incussum spretis honoribus ruborem, muricem in-
duisti. Quæ Te vota secuta plaudentium! omnium
Eruditorum applausus, literatorum acclamationes,
sic Tibi insonuere, ut, suam æstimationem in Te
pramari, gauderent. In hoc Fastigio, Divis assidu-
us operabaris, cum Apolline Tuo ridebas, publica
subibas munera & illam grandem scientiam disper-
gebas. Nullus eruditorum plausus, quem non Tu
attollereres supercilio, nullum in Universitate inge-
nium, quod non adamares, palamq; laudares. Cre-
do eruditos piosq; Musialowicij Clarissimi ævo no-
stro Poëtæ commoveri nunc cineres, & illo Pierio
spiritu musitantes Tibi aggratulari, ad illius adfectu,
amorisq; redimenda pretia! Vixisset utinam! Te il-
le grandiloquò ore posteritati caneret, Te magni-
fica fictionis involutum nube imponderet Parnasso,
ostris infereret. Habe apertè omnium de Te opini-
anes, cunctorum sensus, & vota. Omne Erudito-
rum

rum agmen, omnis quem Apollo percussit, Te Vā-
vello altiore optabat, hæc continua vota, hæc su-
spira. Qvanquam sine anxia nostrum apprecatione
crevisses: tamen pulchrum merita desiderio coro-
nari, & prius iudicio efferri, quam calculo compro-
bari. Evectus es suffragio Meritorum, voto omni-
um ad ARCHIDIACONATUS Fastigium, ipsæ
Te virtutes tulere, ipsa eruditio comitabatur. Vi-
dere videor (hoc enim tantum est absentium) exu-
sta Regum Palatia, suum è ruderibus ostentare de-
cus, lumen vibrare è favilla, Tuis amicis conso-
numq; luminibus. Te circum Cleri coronam ten-
dentis ad Aras, studia, totam deniq; Diæcesim
Tuæ, post Pastoralem curam, ostentari vigilantia.
Omnia hæc omnium desideria redimes non frustra-
neâ de Te spe, plura efficies quam quisq; concipe-
re de Te poterit. Redibit in sacras ædes suus decor,
ad Aras fulgor, ad Clerum pietas; quo tantum vi-
gilem feres pupillam, omne ornamentum dignum
Cælo, dignum Numine inferes. Solis naturâ: cuius
lumina Orbe dispersa: augustiorē reddunt Orbis fa-
ciem; pulchrius Tuas ostentabis virtutes, quicumq;
tollet oculos, ad Tui exemplar se componet. Ut
enim ad Principum normam, Regna se componunt,
sic ad Te Ministrorum Principem totius Cleri con-
versalumina, à Te derivabunt exempla, à Te recti-
oris vitæ discent specimina. Submitte dignos Pasto-
res Ecclesijs: Curæ animarum Curatores, ad Tui
examinis probati ignem, moribus, scientiâ, adhor-
tatione aris meliores imminebunt. Plura Tu facien-
do conficies, quam ego scribendo complectar, poste-
ritati scienda, stupendaq;. Metire Te ipsum?
quam omne Honorum culmen implesti meritis, non
Te magnū Honores, sed Tu Honores effecisti. Hi ge

Iti gerendiq; Honores, quib9 Te Coronis destinant:
prehendisti probatae scientiae argumēto laureas, pro
afflictis in Tribunali Tibi commisso, pro Civibus in
Legatione Moschovitica servatis, Civicas, pro triū-
phatis magnorum Virorum affectibus, triumphales,
nunc pro strenuè gloriosèq; sustentatis honoribus
gemmeas aureasq; capesse. Et licet (quæ modestia
Tua est) dedigneris, Tibi invito trinæ Coronæ arri-
dent, Te suum ARCHIDIACONVM salutat, in Tuo
sinu Capiteq; ferri gestiunt. His ego Fontē Te mihi
beneficium redimio, Tuis beneficijs crevi ad laureas,
ingessiq; doctæ huic arbori caput, quid pro co-
ronarijs beneficijs reddere debueram, nisi Coronas
munus quidem grande ipso nomine, sed manu of-
ferentis vile, non enim ea adornatum specie ut cupit
onerari. Adde Tu illi pondus, ipsum Nomen Tuum
unionum fulgores sustinebit, merita: solidius adamā-
tibus relucebunt, & quod gratitudo agrè compa-
rare potuit diadema, Tibi ipsi ex Te ipso conficies.

Infinitem quidem est coronarum decus, & Tua merita adeo
exuberantia, ut agrè finem recipiant: attramen nolo vellere mo-
destiam Tuam, & tenuitatem meam frangere termino dictionē
non vota. Te Superi longævum Caelo servant: Te diu terris
serenum foveant, & inter sua pulvinaria, inter Aras & Tempa
ARCHIDIACONVM prospiciant. Postquam multa agendo me-
moriam mortalium fatigaveris, & ipsa meritorum Corona, jam
terre gravis apparueris, Te omni ex parte beatum recipiant.
Vota sunt omnium rectè afflictæ Diœcesi optantium, ut fessa
mortalitate Præsulum, Tuo vultu sustineatur, Tuò serenò ad-
spectu firmetur. Cum proximè accedas ad Episcopalis curæ so-
cietatem, necesse ut illis fatorum necessitate absentibus, eam
subminis res frontem, quam viventibus accepit, vel se speravit
accepturam. Ego longo terrarum tractu sitiq; disjunctus vota
superis feram, ut hoc omnia, quæ gratus dictavit animus, fir-
ment. Si alio non placui rudis Coronæ Tuæ artifex, saltim
hac obligationis meæ tessera placeam. Dixi.

✠✠✠✠✠✠✠✠✠✠



7. X. 11. 24.

Biblioteka Jagiellońska



stdr0025236

